

# Faamatalaga o Aiā Tatau a Mātua

I le avea ma le matua o se tamaitiiti o loo iai se tulaga e lē atoatoa le malosi, e iai lau aiā tatau e:

1. Auai i fono mo individualized education program (IEP) (peleni faalea'oa'oga e fuafuaina mo le faatinoaina o mana'oga patino faalea'oa'oga a se tamaitiiti) ma i le avea ma sui o lou alo, fai le mea sili mo lona lelei e tusa ai ma lona mana'oga.
2. Maua ai se faufautua (advocate) poo se tasi ua iai le tomai faapitoa i le fono mo le IEP.
3. Maua ai se kopi o le iloiloga o lou alo, e mafai ona lē ioe iai, ma talosaga mo le faia o se independent educational evaluation (IEE) (iloiloga faalea'oa'oga e se tagata e tuma'oti) e tasi, e totogiina e le malo.
4. Faaooina se lipoti tusitusia mai isi tagata ese mai le a'oga, i le avea ma o se vaega o le faasologa o mea fai mo le iloiloga.
5. Iloiloina faamaumauga uma faalea'oa'oga e uiga o lou alo ma tuuina atu iā te oe se kopi o le IEP.
6. Lē ioe iai ma filifiliga a le 'au sa faia le IEP ma sa'ilia tualumaga mo le faaleleia ai o feeseesea'iga, lea e aofia ai: talosaga mo le faia o se facilitated IEP meeting, (o se fono mo le faia o le IEP ma o loo auai fo'i se tagata tuma'oti e fesoasoani e foia feeseesea'iga), faaooina se tagi a se tamaitiiti (child complaint) i le Department of Elementary and Secondary Education, talosagaina mo se feiloa'iga e fesoasoani e foia le feeseesea'iga e totogi e le setete, e mauaina se faamasinoga e lē faaituau e foia ai le feeseesea'iga (due process hearing), ma faaooina se apili i le fale faamasino e uiga o le filifiliga aloa'ia (due process decision) sa faia.
7. Auai i le toe iloiloaina o IEP ma i so o se filifiliga e sui ai so o se vaega o le IEP, faapea fo'i ona mauaina o se Prior Written Notice (faasilasilaga tusitusia ua faia muamua a o le'i faia se suiga) mo le faia o se suiga i le tulaga faalea'oa'oga a lou alo poo le saunia e le malo se a'oa'oga maua fua ma talafeagai.
8. Tuu ai lou alo i le tele e mafai ona fai ia faifai mea faatasi ma isi fanau a'oga (least restrictive environment) ma i le tele e mafai ona fai ia auai ai i potua'oga masani i le a'oga.
9. Talosaga mo se fetu'utu'una'iga mo le saunia o fesoata'iga talafeagai pe a fai e lē lava lou silafia i le faa-Igilisi.
10. Maua se a'oa'oga maua fua ma talafeagai e saunia e le malo mo lou alo o loo maua ai se IEP ua fuafuaina e faafetaui ma mana'oga faapitoa o lou alo, lea e atonu e aofia ai ae e lē gata mai i nei mea, a'oa'oga faapitoa ma isi auaunaga fesoata'i atu ai, e pei o masini faa-tekinolosi e fesoasoani ai (assistive technology devices) ma isi auaunaga; femalagaa'iga, fesoasoani e faaleleia le tautala; fesoasoani mo faafitauli tau lē lelei le faalogo poo le logonoa; auaunaga mo faamatala upu; auaunaga e saunia fesoasoani faapitoa mo faafitauli tau faalemafau (psychological services), lea e aofia ai ma le fesoasoani ina ia pulea le amio; faamalositino (physical therapy); fesoasoani e atia'e le potu e faia gaoioiga masani o le olaga (occupational therapy); faafiafiaga ma tafaoga, e aofia ai ma le faaogāina o tafaoga ma faafiafiaga e fesoasoani i tagata e lē atoatoa le malosi ia ausia sini ma faaleleia lo latou tomai (therapeutic recreation); auaunaga faufautua, e aofia ai ma le mauaina o fautuaga e fesoasoani i tagata e lē atoatoa le malosi e fai le mea sili e tusa ai ma lo latou tulaga ia faia mea mo latou lava (rehabilitation counseling); auaunaga e fesoasoani i tagata e tauaso pe e lē lelei le vaai ona faia gaoioiga masani o le olaga (orientation and mobility services); auaunaga mai le soifua mālōlōina a le a'oga; auaunaga mai le tausima'i a le a'oga; auaunaga mai tagata faigaluega mo le lautele (social work); fautuaga mo mātua ma le toleniina o mātua; ma, auaunaga faafoma'i mo le mauaina o faamatalaga e uiga o le tulaga o lou alo poo le iloiloaina o ia.
11. Pu'eina ai leo i so o se fono, tusa ai ma le Individuals with Disabilities Education Act (IDEA) a le malo feterale (tulafono faalea'oa'oga mo tagata e lē atoatoa le malosi) poo le Section 504 (Vaega 504) a le Rehabilitation Act of 1973 a le malo feterale (se tulafono e faasā le faaitu'au ona o se tulaga e lē atoatoa le malosi o se tagata).

*E lē tuuina atu e lenei pepa se aiā tatau poo ni aiā tatau ese mai aiā tatau ua tuuina atu e tulafono a le feterale poo le setete ma e faaogāina mo na o le faaooina o faamatalaga. Mo nisi faamatalaga, faafesoata'i ma le Department of Elementary and Secondary Education (Matagaluega o A'oga Maulalo ma le Tulagalua), Office of Special Education (Ofisa o A'oa'oga Faapitoa) i le 573-751-0699 poo le [webrepliespeco@dese.mo.us](mailto:webrepliespeco@dese.mo.us).*

*Ianuari 1, 2010, faafou Tesema 29, 2021*